



Шормо эл, порымлык да рив берр!

33-шо (3265) №,
2016 ий 13 август,
шуматкече.

ЯМДЕ ЛИЙ

1933 ий 1 февраль годсек лектеш.

0+

Олма – пүртүс «шершот»

Шольыжлан
Яндияр чевер олмам
шуялта:
– Икыт,
– Кокыт, – вашешта Онар.
– Кумыт!
– Визыт!
– Ой-ой-ой, а «нылытшым»
кушан йомдарен кодышыч?
– Яндияр шольыжын
йонылышыжым
төрлата.

19 август – Олма спас

В. АПТУЛАЕВЫН ФОТОЖО



Аптулаевмыт еш Йошкар-Олаште ила. Нунын ныл ият ныл тылзаш Яндияр ден кок ияш Онар эргышт кушкыт. Кугуракше 37-ше номеран «Йошкар уш» йочасадыш коштеш. Тений кенежым Пошкырт кундемыш коча-ковашт деке унала миенит.

... Кугу садвечыш лектын, шаршудышко леведышым шаралтен, коктын йочадыште тунемме цифр-влакым шарналтен шинчат. Олма – пеш сай йөн. Арам огыл 1-ше класслан «Математике» учебникыште эре олмам сүретлат улмаш! Ушыман (+)

– корзингашке пыште, кудалташ күлеш гын (-), олмам кочкын колто. Калькулятор олмеш – пүртүс «шершот». Вот тылат математике! Нимат йөсө огыл. Түнжө – Яндияр ден Онар коклаштышт лач марла мутланат, марла шотлат, тыге нуным ача-авашт туныктат. Лүмыштат, шижыда, кугезе марий лүм!

Унала мийымышт годым рвезе-влак олмам шер теммешкышт кочкыныт, идалыклан ситыше витаминным погенит.

Наталья СЕМЕНОВА.



5-21 августышто
Рио-де-Жанейро
олаште (Бразилий)
XXXI Кенежымсе
Олимпиаде мод-
маш эрта.

14 август –
Мүй спас. Тудлан
пöлеклалтше ярминга
Йошкар-Олаште
12-14 августышто
Чарла Кремльыште
лиеш.



Марий
Эл Республи-
кысе правитель-
ствын 2016 ий 26 июльы-
со пунчалже почеш, чоды-
ралаште турнявöчыжым
3 СЕНТЯБРЬ гыч гына
погаш лиеш.





Йошкар-Оласе медицине колледж пелен «Самырык медик» проффильный лагерь пашам ышта. Тушко оласе эмлымверлаште тыршыше ача-ава-влакын икшывышт коштыт. Колледж вуйлатышын алмаштышыже **Роза Викентьевна БОЙЧУК** палдара:

– Марий Элыште тазалыкым аралыше пашаеҥ-влакын профсоюз рескомышт кеҥежым проффильный лагерьым почаш йодмаш дене Тазалыкым аралыме шотышто министерствыш лектын ыле. Тыге теней икымше гана Медицине колледж пелен тыгай лагерьым погенна. Икымше смене 4-24 июльышто лийын. Кокымшо смене 28 июль гыч 17 август марте шуйна. 10-14 ияш 80 йочам авалтыме. Лагерьыште йоча-влак эр да кечывал кочкышым ыштат. Кечывал деч вара



Медпашаеҥ лият мо?

кок шагатат пелылан мӱҥгышкӧ каят.

– Ты лагерь мо дене ойыртемалтеш?

– Колледжын туныктышыжо-шамыч лагерьыш коштышо йоча-влаклан тазалыкым аралыме йодыш дене кылдалтыше урокым кажне кечын эртарат. Ёдыр-рвезе-влак кечмогай ситуацийыште икымше полышым чын пуэн мошташ тунемыт. Тылеч посна тӱрлӧ пайрем, конкурс, таҥасымаш эртаралтыт. Йоча-влак экскурсийыш, кинотеатрыш коштыт, паркыште канат. Профильный лагерь йочалан ончыкыжым медицине дене кылдалтыше проффессийым налаш полша, шонена.

Людмила ГРИГОРЬЕВА мутланен.

Историйым шергалына




1799

ий 15 августышто Нови ола (Италий) воктене кредалмаште Александр Васильевич Суворовын вуйлатыме руш армий француз войскам кырен шалатен. Тиде сенгымаш руш армийын вийжым да Суворовын тале вуйлатыше улмыжым уло тӱнялан палдарен.

Рио-де-Жанейро олаште (Бразилий) эртаралтыше XXXI Кеҥежымсе

Олимпиаде модмашым уло тӱня эскера. Теат, йоча-влак, Российын спортсменже-влак верч колянеда, очыни. Тушто **207** эл гыч лу тӱжем утла спортсмен таҥаса. Спортын **28** тӱрлӧ видше дене **306** комплект медаль модалтеш. **11** августлан **Российын спортсменже-влак 4 шӱртӱбӧ, 7 ший да 4 той медальым сенен налыныт. Чумыр медаль чот дене Россий – кудымшо верыште.**



60 ий

«Старик Хоттабыч» кином 1956 ийыште режиссёр Геннадий Казанский сниматлен. Киношто «Зубило» ден «Шайба» футбол команде-влак модыт. Тиде сюжетым кок стадионышто сниматленыт: матчым – ик вере, а трибуным – вес вере. Хоттабыч кочан мороженыйым кочмо эпизодым шарналтыза! Рольым модшо Николай Волков мороженый олмеш умшаже тич сырокым шӱшкын – черланыме деч лӱдын. А Волька Костыльковын рольжым модшо актёр Алексей Литвинов гонораржылан фотоапаратым, велосипедым да «Темп-2» тӱрлӧ чиян телевизорым налын.

Ка-ни-кул!

Кеҥеж каникул годым велосипед дене учашен кудалыштына. Костя Семенов, Эльвира Харитоновна, Никита Макаров, Илья Окашев да молат стадионышто футболла модына. Вашке мый Озаныш унала каем. Тушто авам пашам ышта. Ваня ден Саша шольым-влакым ола мучко экскурсий дене коштыктем.



Мария КУЗЬМИНА.
Волжский,
Сотнур.

27-28 августышто Россий мучко «Кино йӱд» эртаралтеш. Тунам «Легенда № 17» (реж. Николай Лебедев), «Батальонъ» (реж. Дмитрий Месхиев), «Смешарики» ончыкталтыт. Нине фильмым калык интернет гоч шке ойырен. Йошкар-Олаште илыше да уна-влак Чарла Кремльыште 27 августышто 20 шагатлан яра ончен кертыт.



*От чамане шке виетым
Йоча-влакым туныкташ,
Чыжыл, поро шомакетым
Изи чоныш шындараш.
С.БУСЫГУЧА.*

Тыге икымше туныктышыж нерген шке почеламутыштыжо С.Бусыгина моктен возен. Чынжымак, туныктышо шке вийжым огеш чамане, йоча-влаклан уло моштымашыжым пöлекла. Тиде почеламут корно-влаклан эгертен, мыят шке авам нерген мутым лукнем.

Авам Лидия Геннадьевна Ишманова Н.К.Крупская лүмеш Марий кугыжаныш педагогический институтым 2004 ийыште заочно тунем пытарен. Көлегеш кыдалаш школышто латкандаш ий пашам ышта, йоча-влакым шочмо йылмым да литературым йöраташ кумылангда. Тудо эше школ директорын алмаштышыже. Авамлан марий йылме да литератур предмет пеш шерге. Шочмо йылмым аклаш, калыкын йöлажым, историйжым пагалаш туныкта. Кажне урокышто уш-акылнам пойдара, поро, ныжылге, кугурак-влак дене тыматле лияш үжеш. Тунемшыже-влаклан пенгыде шинчымашым пуымо верч тырша. Уроклаште у темым раш,

чоткыдын да тунамак куштылгын умылгара. Ме Марий Эл деч тораште илена да марла татарстан марий-влак семын ойлена, а авам марий литератур йылме дене пеш яндарын мутлана. Тудо эреак тунемше-влак коклаште, нунын нелылыкыштым умылен мошта, полшаш эре ямде.

Лидия Геннадьевна – шуко палыше, шинчымашыжым эреак нөлтен, келгемден шогышо туныктышо: паша верч

полшымо дене күлеш материалым пога, вианат, лушкыдыракынат тунемше-влак дене пашам ыштыме у йöным шымла. Самырык туныктышо-влаклан полша. Авай урок деч вара эртарыме мероприятий, конкурс-влаклан моткоч онай сценарий-влакым воза. Ме туныктышынам куанен колыштына.

Ешыштат келшен илена. Ачам туныктышын неле пашажым сайын умыла, авамлан чыла шотыштат полшаш тырша. А кунам ешыште чыла сайгын, пашажат воранен толеш.


Мый палем, авамын пашаже куштылго огыл: тунемше ден туныктышо-влак денат пашам ыштыман, урокланат тыршен ямдылалтман, тетрадьмат тергыман, книга ден журнал-влакымат лудын шуктыман,

республикысе, районысо түрлө конкурслашкат ушныман. Туге гынат авам вуйым ок саке, чыла верешуаш тырша. Ме тудлан чыла сайым веле тыланена.

Вашке у тунемме ий тўгалеш. Авам адаткат, куанен, йöратыме пашажым шукташ ошкылеш. Мый тудлан пенгыде тазалыкым, пашаште сай лектышым да улылышо, шкеж гаяк тыршыше тунемше-влакым тыланем.

Лиана ИШМАНОВА.

Татарстан Республик,
Агрыз район, Көлегеш.



АВАМ – ТУНЫКТЫШО

*Ончыко, тораш
ужын моштыде, тунем-
шет-влакым кумда кугор-
ныш луктын от керт.
Тидым от улымо гын,
туныкташ лучо ит пиж.
Валентин КОСОРЮЛОВ.*

йöла, рвезе тукымын ончыкылыкшо нерген шона. Тудо волгыдо чон койышыж дене ойыртемалтеш, поро кумылан. Пашаштат, шўм кумыл шотыштат яндарлыкым йöрата. Кабинетыш пуремыж годым тудын чурийже эр кече гай шыргыжеш, кажне йоча дене порын саламлалтеш. Тыге мемнанат кумылна нөлталт кая, тудын вўдымö предметшым тунемме шуэш. Марий литератур дене иктаж-могай произведений дене палдараш тўналеш – ме ўмбачынже шинчам налде колыштына.

Авам уроклан эреак ешартыш материалым кычалеш, интернет

Келшен илаш тунемына



Күслен ныжыл семже, йоча-влакын воштылмо йүкышт, түрлө калык-влакын шонанпыл гай түрлө тусан вургемышт – теве мо дене ойыртмалтеш Түнямбал финн-угор лагерь. Тудо 2-10 августышто Куярысе «Каменная речка» йоча лагерьыште эртен.

Тений лагерь 150 утла йочам поген. Нуно куд отрядлан шелалтыныт. Ашымше отрядышке кугыен да лагерь вуйлатыше-влак чумыргеныт.

Йўлаш пурышо, кажне ийын эртаралтше «Келшымаш Университет» пашам ыштен. Түрлө ийготан да национальностян ўдыррвезе-влаклан онай программим ямдылыме. Нуно финн-угор калык-влакын ойпогышт дене палыме лийыныт, родо-тукым калык модыш дене модыныт, куштымашыштым, мурыштым тунемыныт.

Мастерскойлаштыже паша кузе шолын!



Авторын фотожо-влак.



Марий Эл Республикын культур, печать да национальность паша шотышто министрн алмаштышыже Г.С.Ширяева, Образований да науко министерствын Самырык-влакын политикышт шотышто управленийжым вуйлатыше С.Ю.Игошин лагерьым торжественно почмо годым.



Тыгай мастер-класс-влак лийыныт:

- ✿ Күсле дене шоктымаш.
- ✿ Марий тұр.
- ✿ Калык курчак.
- ✿ Пу гыч пүчкедымаш.
- ✿ Шун гыч ненчымаш (керамике).

Н.СЕМЕНОВА.



ЙОЛОРВА ДЕНЕ – МАРИЙ ЭЛ МУЧКО



И РЕЧНИНЬН ФОТОЖО.

Сорла тылзын визымше кечынже Куженер район Ёштымбал школ пеленысе «Чумбылат» велоклубын участникше-влак кужу корныш тарваненыт. Шым кечыште нуно Марий Элнан шым районжым эртенят. 12 энгыч шукынжо икымше гана кудалынат. Нунын коклаште кок ўдыр – Лена Рябинина ден Маша Александрова – лийын. А тева школын выпускникше-влак Евгений Герасимов ден Владимир Петров велосипедист-влакын клубыштым вуйлатыше Н.А.Золотаревлан польшкаленыт. Евгений велопробегыш кумшо гана лектын.

Тунемше-влак кудалме жапыште Марий кундемысе вершёрла нерген шинчымашыштым пойдареныт, турист семын шуаралтыныт. Тыгай акциям «Кугарня» газетын лекташ тўналмыжлан 25 ий теммылан пўлекленыт.

Кирилл КОЛЕСНИКОВ:
– Мый Параньга район Олор ял гыч улам. Тыгай велопробег нерген «Кугарня» газетыште лудынам да, редакцийыш йынгыртен, тушко ушнаш йодынам. Моткоч куаненам, вет тыште мый у йолташ-влакым муынам, нунын дене пырля Марий кундемнан моторлыкшым ончен коштынам. Мо келшен? Палаткыште малаш келшен: кайык муру, пий опымо шокта. Но корно пеш шўкшў, ик лакыште оравамат шўтлыш. Чарнен, писын тўрлаш перныш. Кугорнышто кудалме годым мемнам ДПС машина ужалтарен. ☺☺☺

Максим ГОРИНОВ:
– Участник-влак коклаште мый эн изи лийынам. Тений шымше классыш каем. Пўртўсым йўратем, садлан Пугачёвын тумыжым, Таир ден Шап ерлам, Карман курыкым ужын коштмем кугу пиаллан шотлем. «Марий Чодра» национальный паркысе Ужар памашыште йўштылмў кужу жаплан шарнымашеш кодеш. ☺

Лена РЯБИНИНА:
– Велопробеглан кўра Морко районышто икымше гана лийынам. Чавайнурыш пуренна, Олыкъял воктеч кудалынна. Эн онайже Карман курыкышто вучен. Мемнам вашлийше Анатолий Титов Ёдыр Оржа нерген легендым каласкален, овда-влак илыме верлам ончыктен. Тыгай велопробегыште икымше гана лийынам гынат, нимынярат ноен омыл. Вес ганат шке виемым тергаш кумылем лектын. ☺☺☺

Алексей ШУБИН:
– Мый Куженер районак Конганур гыч улам. Велосипед дене изинек кудалышташ йўратем. Педальым тошкаш куштылгыжак огыл. Поснак ошман корнышто, сандене южо вере велосипедым шўкен каяш пернен. Такшым, ик шагатыште 18-22 ментым эртенна. Кажне 15 менте гыч каналтенна. Эн ончылно да колонно мучаште сигнальный флажок дене кугурак-влак кудалыныт. ☺☺☺



Велосипед – француз гыч йылме кусараш гын, veloc – пусе, pedis – йол.

Лаштыкым Наталья СЕМЕНОВА ямдылен.

(Мучаш.)

**Тўналтышыже – 29, 30,
32-шо номерлаште.)**

Илалше: Ит коляне, поян чодыра ик жаплан гына йүк-йүан деч посна кодо. Кайыкшат, янлыкшат, теве ужат, пөртылыт.

Патыр: Ұшанен кодам. Ынде умылышым: тый, корныен, Тул Он улат?

Илалше: Туге лектеш.

Патыр: Виян улат! А пушенге во-жым садак «кочкын» шыч керт.

Илалше: Мланде ден вүдыжгө чаракым ыштышт. Кодшо сомылжым тыланет мучашлаш логалеш. Кумылет лиеш гын, пашатым пытарымек, мый декаем унала мий. Пушкидо шокшо мелнам тамлена. А ынде корнышко тарванем.

Патыр: Кушто тыйым кычал муаш?

Илалше: Кушто шокшо, волгыдо да эше тамле кочкыш дене ўпшалтеш – тушто мыйын кугыжанышем. От йом, муат.

*Илалше кая. Патыр,
муралтен-шўикалтен,
куклаш пижеш.*

Кумшо сўрет

Илалшын сурт-печыже.

Патыр толын пура.

Илалше: Ушан-шотан ен пуымо мутшым шукта. Поро лийже, Патыр. Тол, шич, каналте. Илыш йогынет кузерак? Сўреман мландыштет киндет могайрак шочын?

Патыр: У мланде моткоч ўян. Чапле лектышан шурно шочо. Теле гоч кочкашат, шошым ўдашат, арымеш пуашат лынак.

Илалше: Пеш сай, пеш сай. Тол, ўстелтўрыш шич.

Патыр (йыргешке кинде сукырым да мелна кышылым ужын ўреш): Ай, кузе тутлына ўпшалтеш. Ялыштына тыгай вужга мелнам иктат кўэшт ок мошто. (Пурам подылеш.) Пуратше, пуратше могай шо-

нешталтше! Ну, кочай, тыгай кужу корным толмеке, кочкыш йўрварым ямдылаш тунемде, мўнгышкем омак кай.

Илалше: Эргым ала уныкам маншаш. Мый шонго улам. Сурт-печым, тыште улшо шокшым кучаш ынде нелырак. Кертат гын, мыйым пеленет нал. Ваш келшен, полшен илаш

Дина КОРАБЛЕВА

Оно энгер тўналтыште



тўналына. Тунам ўстембачет тутло кинде нигунам огеш йом. Пўртыштет эре шокшо лиеш. Мылам конга помыш деч молыжо нимат ок кўл.

Патыр: Суртыштем эн чапле верым тылат ойырем, пагалыме Тул Он!

(Сем аршаи).

Кова: Теве тыге йомак мучашлалте. Чын але шоя, каласен ом мошто.

Верук: Шокшыжо, чынакыс, конгаште ила. Тудо ок лий гын, ковай, киндымат кўэштын от керт ыле. (Кинде шултышым кидышкыже налеш.) Ончал, могай тудо пушкыдо, тутло.

Вачук: Кум этажан мелнат огеш лий ыле.

Верук (воштылын): Кум этажан! Кум коман ман!

Начук: Тудо олесе эрге. Эше йўра марлаже кеч

тыге мутлана. Теве Эчу Йыван Сидыр Микал Тачанам нал. Ик мутым марла, кокытшым рушла, а кумшыжым англичанла ойла. Умылет гын, умыло, уке гын, савырнен ошкыл.

Кова: Кинде деч тутло кочкыш уке шол.

Начук: Ковай, легендет гыч пален нална: ожно тыште чодыра лийын. Тудым йомакысе Патыр

Илалше-Тул Он полшымо дене

пасушко савырен. Аланже уло, а пасужо кушто?

Кова: Йодышет чоным когартыше, уныкам. Совет Ушем шаланымеке, колхоз-влак пыташ тўналыч. Пасум курал-ўдымым чарнышт. Пасу койын-койын чодыраш савырна. Теве ял могырыш кайыше корно воктене могай пўнчер кушкын шогалын? Икмын-яр ий гыч ялнажат чодыра коклаш кодеш теве...

Вачук: Эл вуйлатыше-влак иктаж-мом шонен муыт... Тиде, ковай, экономический политике.

Кова: Эх-ко-ко, мыланна, ожнысек курал-ўдымў паша дене илыше-влаклан, тиде умылаш лийдыме. Вачук, ала кушкын шумекет, кова-кочатын мландыш толын, чын оза лият? Яра кийыше мландылан у вийым пуртет.

Вачук: Мый шоналтем тидын нерген.

Кова: Чылажат Юмын кидыште. Уныкам-влак, ынде мўнгў тарванена... Куршдам налза, яра атеш вўдым темалтена. Вачук, ший оксам кучо. Вўдавалан тауштен пыштен кодена.

Вачук: Мыйын почешем!

Чыланат тарванат.

Кова (вуйым савен): Тау, Чодыра Он, яндар южетлан, емыж-саскатлан. Уэш вашлиймеш эсен код.

Шовыч.



КУДЫВЕЧЫШТЕ

Йошкар-Ола-се 32-шо №-ан йочасадын воспитательже-влак тошто машина орава-влаклан у илишым пӧлеклат. Кудывечыште теве тыгай зебрила, а пушенге вуй гыч Л.В.Григорьеван ыштыме весела кече кажныжым йӱратен онча, шокшыжым колта. Артём Петровлан (**снимкыште**) нуно пеш келшат, сандене рвезе кенеж гынат уло кумылын йочасадыш коштеш.

Н.ГОДУНОВАН фотожо.

Анфиса ЭМАНОВА.

Пашаште – куан



Люба кокам – уста строитель. Кажне кечын пашашкыже куанен вашка. Кокамлан мастер чоңышо улмыжлан ятыр пӧлекым пуэныт, Чап кагазше-влак тидымак пенгыдемдат. Кеч-могай пашам тыршен ыштет гын, сенгымашке шуат да эллан кӱлешан улметым ончыктет. Мыйынат кокам лач тыгаяк!

Алёна ВАСИЛЬЕВА.

Волжский, Карай.

Ямбердэ деч пӧлек

Российын сулло сӱретчыже И.М.Ямбердов

ӱй мӱй кӱ пӱй шӱй кӱ (кӱаш) тӱй (тӱаш)

заданийым пуа: нине мут-влакым кучылтын, почела-мутым возен колто. Эн сын-ныжлан Иван Михайлович деч пӧлек лиш.



Кидмастар

Йоча-влак, теат тале кидмастар лиын кертыда. Ида ӱркане веле. Тыгай поро слон игым пластик ате гыч ыштыза. Сӱретым тӱткын ончыза да пашалан пижса!



Фиксик-влакын лӱмыштым каласе. Нунын кокла гыч кудыжо тылат келша? Редакцийышкына возен колто.

Сӱретым чиялте.



Индекс: Марий Элыште – 78574, вес кундемлаште – 52713. Тираж 1100 экз. Заказ 2129. Формат – А-4-В. Директор-тӱн редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru. Сайтын адресше: yamde-lii.ru, Тел. 45-25-49(факс); 45-22-82.

УЧРЕДИТЕЛЬ-ВЛАК: Марий Эл Республикысе культур, печать да национальность паша шотышто министерстве, "Ямде лий" газет" кугыжаныш унитарный казенный предприятий.

Газетым Массовый коммуникаций сферыште да культур наследийым аралымаште законодательством шуктен шогымым эскерше Федеральный службыв Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

0+

Печатьыш пуымо жап – 14-00, фактически – 13-00. Ак – кутырен келшыме почеш.

Авторын да редакцийын шонымашыш тӱрлӱ лийын кертыт. Серыш-влак мӱнгеш огыт коллат.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20.



Ю ж
шар 18
килограмм
нелытым
нёлталын
кертеш.
Шар волен
ынже воч
манын,
кудо ме-
шакла-
жым оп-
тыман?



У Йолташ

Кирилл Рябинин ден Арина Обиходова (снимкыште) Йошкар-Олаште эртыше «Изи мөр пеледыш» пайремыште палыме лийыныт. Рвезе – Оршанке район Кугунур ялын эргыже. Арина Йошкар-Олаште ила. Кирилл, шокшо кенеж кечым ончыде, у йолташыжым велосипедеш шынден, ик йырым кудал савырнаш тореш ыш лий. А войзалташ гын, уло кумылын!
Л.ГРИГОРЬЕВА.

1 гыч 9 марте цифр-влакым яра клеткылашке сүретысе вашмутым шотыш налын шындылза. Возалтде кодшо цифр покшелне лиеш.

Конвертыште кагаз гыч пүчкын лукмо квадрат, онго да треугольник кият. Чылаже – 7 фигур. Квадратше треугольник деч кум пачаш шукырак. Тугеже конвертыште мыняр онго уло?

	+		=
+		?	-
=			=
9	-		= 1


Синк-вейн Чыве
Пунан, кўчык йолан.
Кыдетла, пўкта, мунча.
Шуко муным пуышо
Кайык.

Павлинын почшо брыктарыше! Тушан шокшо деч мыняр лыве, копшанге да вўдшырчыкшылыныт?

Алина ПУРА-КУЗНЕЦОВА. Пура-кыште пўрдалеш, вўд деч моткоч лўдеш. Мо лиеш?



Вот вет, кузе вет
В и ч
ияш Нату шўк орам удырен шогышо чывиге-влакым ужынат, аважлан ойла:
– Ончо, авай, чывиге-влак буксоватлат.



10 ойыртемем му.